

Headline	Debaran hoki 7 sebelah		
MediaTitle	Harian Metro		
Date	14 Oct 2016	Language	Malay
Circulation	1,270,667	Readership	3,812,000
Section	Arena	Page No	79
ArticleSize	378 cm ²	Journalist	Mohd Rafi Mamat
PR Value	RM 44,502		



Debaran hoki 7 sebelah

keseluruhan
RM17,000
jadi rebutan
140 pasukan

Mohd Rafi Mamat

Sebanyak 140 pasukan tempatan dan luar akan bersaing pada Kejohanan Kuantan 7's Hockey Challenge di Stadium Hoki Wisma Belia Indera Mahkota.

Kejohanan musim ketiga anjuran Persatuan Hoki Daerah Kuantan (PHDK) itu membabitkan enam kategori lelaki dan perempuan yang menawarkan hadiah keseluruhan RM17,800.

Timbalan Presiden PHDK Najmi Razak berkata, kejohanan kali ini mendapat sokongan Persatuan Hoki Pahang (PHP), Tenaga Nasional Berhad (TNB), Nestle Malaysia Berhad, Kota SAS, Majlis Sukan Pahang (MSP) dan Genting Malaysia.

Katanya, sambutan terhadap kejohanan kali ini begitu menggalakkan hingga memaksa penganjur menolak penyertaan beberapa pasukan tempatan berikutan kesuntukan masa.

"Padang hoki SUKPA Indera Mahkota terpaksa digunakan bagi menjadikan tiga gelanggang semuanya, tawaran hadiah lumayan dan imej kejohanan menjadi penyebab sambutan mengga-

lakkan kali ini.

"Walaupun kejohanan kali ini tidak dapat disertai ramai pemain kebangsaan namun kemeriahan tetap ada berikutan penyertaan beberapa kelab terbaik di negara ini yang tidak kurang hebatnya.

"Jumlah terbanyak membabitkan pasukan remaja ia itu lebih 50 penyertaan diikuti kategori terbuka, 37 pasukan dan selebihnya pelajar sekolah," katanya pada sidang media, semalam.

Najmi berkata, hadiah lumayan berjumlah RM2,500 menanti juara kategori terbuka lelaki dan RM1,000 kategori perempuan terbuka. Johan kategori lelaki bawah 12 tahun akan menerima RM1,200.

Menurutnya, majlis penyampaian hadiah dijangka disempurnakan Pengerusi Jawatankuasa Belia dan Sukan Pahang Datuk Mohd Johari Hussain di Stadium Hoki Wisma Belia, Ahad ini.

"Saya bagi pihak penganjur menjemput peminat hoki di daerah ini untuk datang menyaksikan kejohanan selama dua hari itu, sebarang bayaran tidak dikenakan kepada penonton," katanya.

Headline	Debaran hoki 7 sebelah		
MediaTitle	Harian Metro		
Date	14 Oct 2016	Language	Malay
Circulation	1,270,667	Readership	3,812,000
Section	Arena	Page No	79
ArticleSize	378 cm ²	Journalist	Mohd Rafi Mamat
PR Value	RM 44,502		

